



**ENTI RREGULLATOR I ENERGJISË  
BORDI**

**VENDIM**

**Nr. 94, Datë 08.06.2020**

**“MBI**

**ÇMIMIN E APLIKUESHËM PËR PRODHUESIT EKZISTUES ME PËRPARËSI PËR  
VITIN 2020, NË ZBATIM TË NDRYSHIMEVE TË MIRATUARA ME VKM NR. 396,  
DATË 13.05.2020”.**

Në mbështetje të nenit 16, të Ligjit nr. 43/2015 “Për sektorin e energjisë elektrike” i ndryshuar; nenit 22 të Ligjit nr. 7/2017 “Për nxitjen e përdorimit të energjisë nga burimet e rinovueshme” dhe VKM nr.687 datë 22.11.2017 “Për miratimin e metodologjisë së përcaktimit të çmimit vjetor të blerjes së energjisë elektrike që do t’u paguhet prodhuesve ekzistues me përparësi”, e ndryshuar me VKM nr.396, datë 13.05.2020 “Për disa ndryshime në vendimin nr.687, datë 22.11.2017, të Këshillit të Ministrave, “Për miratimin e metodologjisë për përcaktimin e çmimit vjetor të blerjes së energjisë elektrike, që do t’u paguhet prodhuesve ekzistues me përparësi”, Bordi i Entit Rregullator të Energjisë (ERE), në mbledhjen e tij të datës 08.06.2020, mbasi shqyrtoi relacionin me nr. 64/2 Prot, datë 03.06.2020, përgatitur nga Drejtoria e Tarifave dhe Çmimeve,

**Konstatoi se:**

- Bordi i ERE-s me vendimin nr. 7, datë 16.01.2020, ka vendosur “Miratimin e çmimit vjetor të blerjes së energjisë elektrike prej 8.0532 Lekë/kWh, i cili do t’u paguhet prodhuesve ekzistues me përparësi për vitin 2020”.
- Në vijim, me VKM nr. 396, datë 13.05.2020, janë miratuar disa ndryshime në vendimin nr. 687, datë 22.11.2017, të Këshillit të Ministrave “Për miratimin e metodologjisë për përcaktimin e çmimit vjetor të blerjes së energjisë elektrike, që do t’u paguhet prodhuesve ekzistues me përparësi”, ku përcaktohet se:
  - Në pikën 3, të vendimit nr. 687, datë 22.11.2017, të Këshillit të Ministrave, fjalët “... në masën 1.30 ...” zëvendësohen me “... në masën 1.20 ...”;
  - Ngarkohet ERE për përcaktimin e çmimit të aplikueshëm për prodhuesit ekzistues me përparësi, brenda 30 (tridhjetë) ditëve nga hyrja në fuqi e këtij vendimi.
- VKM nr. 396, datë 13.05.2020 ka hyrë në fuqi pas botimit në Fletoren Zyrtare të Republikës së Shqipërisë nr. 88, datë. 18.05.2020.

- Në zbatim të pikës 1 të VKM nr. 396, datë 13.05.2020, formula e llogaritjes së çmimit vjetor të blerjes së energjisë elektrike që do t'u paguhet prodhuesve ekzistues me përparësi miratuar me VKM nr. 687, datë 22.11.2017, ndryshon si më poshtë vijon:
  - Çmimi vjetor i blerjes (lekë/kWh) = Çmimi mesatar vjetor i tregut të ditës në avancë (HUPX/DAM) i energjisë elektrike në profilin bandë (baseload) i vitit përkatës të bursës hungareze (HUPX) të energjisë elektrike në euro cent/kWh **X** bonusin për promovimin e burimeve të rinovueshme në masën **1.20 X** normën mesatare të këmbimit në euro/lekë për vitin e fundit.
- Nga të dhënat e raportit vjetor të Bursës së Energjisë së Hungarisë (HUPX) është marrë çmimi mesatar vjetor të tregut të ditës në avancë (HUPX/DAM) të energjisë elektrike në profilin bandë (baseload) për vitin 2019, i cili rezulton në vlerën 50.36 Euro/MWh sipas tabelës më poshtë:

Description	2018	2019
HUPX Base Average Price (EUR/MWh)*	51,00	50,36

- Bonusi për promovimin e burimeve të rinovueshme është përcaktuar në masën 1.20, sipas përcaktimeve të VKM nr. 396, datë 13.05.2020 “Për disa ndryshime në Vendimin nr.687, datë 22.11.2017, të Këshillit të Ministrave, “Për miratimin e metodologjisë për përcaktimin e çmimit vjetor të blerjes së energjisë elektrike, që do t'u paguhet prodhuesve ekzistues me përparësi”.
- Nga të dhënat e deritanishme të publikuara nga Banka e Shqipërisë mbi kursin e këmbimit Euro/Lekë për çdo ditë të vitit 2019, rezulton që kursi mesatar ditor i këmbimit për vitin 2019 të ketë qënë 122.9978 Euro/Lekë.
- Nisur nga elementët e përcaktuar sa më sipër dhe në zbatim të formulës llogaritëse të pikës 3 të VKM nr.687, datë 22.11.2017 “Mbi metodologjinë e përcaktimit të çmimit vjetor të blerjes së energjisë elektrike që do t'u paguhet prodhuesve ekzistues me përparësi”, e ndryshuar, çmimi vjetor i blerjes së energjisë elektrike që do t'u paguhet prodhuesve ekzistues me përparësi llogaritet si më poshtë:
  - $P_u = 50.36 / 1000 * 1.2 * 122.9978 = 7.433$  Lekë /kWh.
- Ndërkohë, në gjermën “ç” dhe “d” të pikës 2, të VKM nr. 687 datë 22.11.2017, e ndryshuar, përcaktohen kufijtë minimalë dhe maksimalë të çmimit të blerjes së energjisë elektrike nga prodhuesit ekzistues me përparësi të cilët janë përkatësisht: jo më i ulët se çmimi i miratuar nga ERE për vitin 2016 dhe jo më i lartë se 15% e çmimit të miratuar nga ERE për vitin 2016. Çmimi i miratuar për vitin 2016 me Vendimin e Bordit të ERE nr.13, datë 16.02.2016, është 7,448 lekë/kWh.

Duke qënë se, çmimi i llogaritur sipas formulës së përcaktuar në metodologjinë e miratuar me VKM nr. 687, datë 22.11.2017, e ndryshuar, rezulton nën kufirin minimal të çmimit të llogaritur të blerjes së energjisë elektrike të përcaktuar në gjermën “ç” të pikës 2 të VKM nr. 687, datë

22.11.2017, e ndryshuar, çmimi i aplikueshëm për prodhuesit ekzistues me përparësi për vitin 2020, në zbatim të ndryshimeve të miratuara me vkm nr. 396, datë 13.05.2020, do të jetë 7.448 Lekë/kWh.

Për gjithë sa më sipër cituar, bordi i ERE-s,

**Vendosi:**

1. Çmimi i aplikueshëm për Prodhuesit Ekzistues me përparësi, në zbatim të ndryshimeve të miratuara me VKM nr. 396, datë 13.05.2020, të jetë 7.448 lekë/Kwh.
2. Ky vendim i shtrin efektet nga hyrja në fuqi e deri në 31.12.2020.
3. Me publikimin e raportit vjetor të Bankës së Shqipërisë për vitin 2019, në rast se kursi i këmbimit Lekë/EUR do të rezultojë i ndryshëm nga vlera e publikuar deri në marrjen e këtij vendimi, ERE do të korrigjojë çmimin vjetor të blerjes së energjisë elektrike i cili do t'u paguhet prodhuesve me përparësi për vitin 2020.
4. Me hyrjen në fuqi të këtij vendimi, vendimi i bordit të ERE nr.7, datë 16.01.2020 shfuqizohet.
5. Drejtoria e Tarifave dhe Çmimeve, të njoftojë palët e interesit për vendimin e bordit të ERE-s.

Ky vendim hyn në fuqi pas publikimit në Fletoren Zyrtare.

Për këtë vendim mund të kërkohet rishikim në ERE brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI I ERE**  
**Petrit AHMETI**